

河南省佛學會
佛降生二九六五年印贈一千一百冊

遠凡說集之一

入佛大乘圓頓
要門論

汕頭佛教居士林文化部製版

汕頭新馬路合益興承印

入佛大乘圓頓要門論

入佛大乘圓頓要門論

潮陽林旭高遠凡撰述

序品第一

頂禮十方三世常住三寶，娑婆教主釋迦牟尼佛，一切菩薩摩訶薩，護法菩薩摩訶薩，不肖白衣遠凡，敬依經教，撰述斯論，假申問答，凡十九品，闡揚圓頓妙理，以報四恩，若合佛心，願予流通，遍滿法界，有情聞見，皆悉開悟，成無上覺，不爲業障所礙，苟背佛言，乞賜懺悔。

問明第二

問云何是佛教，答，佛教教主釋迦牟尼佛就自己歷劫修行

如實究竟證知之「摩訶般若」境界，說出三藏十二部經，申明虛空萬有原理，教示菩薩，聲聞，緣覺，天，人，修羅，畜生，地獄，餓鬼，修行成佛之道，是爲佛教，問佛教云何能高於其他各教，答，一切教俱有能所人我凡聖可得，是從幻化諸法分別，非究竟覺，佛教直指諸法本原，法法平等，達諸幻化了不可得，是究竟證，以是義故，高於一切諸教，又其他各教，或須離世修行，或惟偏重世法，佛教大乘則即俗常真，達者明心見性，即有常空，應緣動作，不礙修持，實證本原，即身成佛，是故高於一切諸教，問佛法既如是圓融無上，云何實證者稀，每見學者多趨

消極，甚至着魔。神經錯亂。答，所舉數端，皆由不明教理，不近知識，慙高我慢，固執邪見，非依聖教精進有以致之，如人行路，自不就道，致落坑阱，非佛法咎。

請法第三

問學佛如何下手，答，皈依佛法僧三寶，問云何是皈依佛法僧三寶義，答，皈依者皈依投，依者依靠，如人墮海，忽遇船來，即便歸投依靠，得不沉溺，生死如海，佛法如船，故須皈依。佛者覺也，如實究竟證悟虛空萬有本源曰覺，法者正也，就所證知示人曰正，僧者淨也，如法傳持曰淨，淨即是法，法即是佛，佛即是覺，覺即是正，正即是僧。

，我人現前靈知覺性，一念清淨，覺正淨三德圓融，週遍十方，無盡無靈，是名自性三寶，學者發願，禮佛塔廟，以佛爲師，不拜外道教主，是名皈依佛，依佛所說經教自利利他，不依外道典籍，是名皈依法，禮善知識，如教修行，荷担如來大法，慈悲一切，是名皈依僧，如是精進，爲四生（卵胎濕化）導首，六趣（天，人，修羅，畜生，地獄，餓鬼，）舟航，世所寶故，是名三寶，問云何是「摩訶般若省要處」，答，「摩訶般若波羅密多」，問云何是「摩訶般若波羅密多」義，答，「摩訶般若波羅密多」是梵音，即西國語，我國譯言大智慧到彼岸，我人本具靈知覺性，無形無

相，遍滿十方，包含萬有，歷無量劫，不增不減，不生不滅，與十方諸佛乃至一切類生，無二無別，強喻其相，如燈燈之光共室，交參無痕，本本一如，無有色相邊際名言分別可得，是大義，了達萬有如幻，隨緣應用，寂照如如，無論善惡是非，稱譏得失，不起一念住着執滯，是智慧義，行者二六時中，依大智慧修，亦無能修所修之念，機緣成熟，妙慧相應，豁然大悟，實證諸法本來，即衆生身而成佛道，脫離輪迴諸苦，生死自由，是到彼岸義。

辯法第四

問法門無量，云何獨讚「摩訶般若波羅蜜多」，答：從一念修

即能圓滿諸法，雖行不取着諸法行，而能成辦一切利生事業，至簡至易，至圓至頓，三世諸佛及諸菩薩皆從此出，故獨稱讚，問捨「摩訶般若波羅蜜多」法門，尚有餘法得成無上正等菩提否，答，大般若波羅蜜多經云，（卷五百六十九十五頁）「若有捨離甚深般若波羅蜜多，更依餘經求無上覺，若能證得，必無是處，譬如王子，捨其父王，更就餘人求爲太子，決不可得，菩薩亦爾，求一切智，必因般若波羅蜜多，若依餘經，定不能得，譬如犢子，若欲需乳，必依其母，若就餘牛，則不可得，菩薩亦爾，求大菩提，要依般若波羅蜜多，若依餘法，必不能證」，佛語如是

，豈可不信，問餘他法門，既不究竟，世尊云何宣說，答
，佛法利生，隨緣昇進故，譬如人有妙樹，不識培養，智
者教令灌溉守護，使先得枝葉花果之益，漸漸純熟，當然
獲得根莖之利，世尊說法，亦復如是，問云何有法師云，
此土惡濁，衆生業重，「摩訶般若波羅蜜多」最高妙法，甚
深難行，實難信受，不應修學，況今末劫，行者根器淺薄
，宣揚此法，更非所宜，然乎否乎，答，此師斷人慧根，
邪見已極，何以故，大般若波羅蜜多經（卷五百六十五九
頁）佛語阿難云，「慶喜當知，若諸菩薩精進修行甚深般若
波羅蜜多，令究竟者，是諸菩薩，先世或從人中沒已，還

生此處，或從觀史多天上沒，來生人間，所以者何，如是二處。易行般若波羅蜜多，非餘處故，「又云，（十二頁）慶喜，我今實言告汝，諸有淨信善男子等，若欲不捨佛法僧寶，三世諸佛無上菩提，定不應捨甚深般若波羅蜜多，如是名爲我等諸佛教誡，教授諸弟子法，」又云，「慶喜當知，若諸菩薩法欲滅時，護持般若波羅蜜多，則爲護持三世諸佛一切智智，亦爲護持三世諸佛無上法藏，」佛語如是，正見學者，不信聖言，無有是處，此邪見師，所獲罪報，佛已授記，大般若波羅蜜經云，（第四百三十五卷八頁）有愚癡諸出家者，彼雖稱我以爲大師，而於我說甚深

般若波羅蜜多，誹謗毀壞，善現，當知若有謗毀甚深般若波羅蜜多，則爲謗毀諸佛無上正等菩提，若有謗毀諸佛無上正等菩提，則爲謗毀過去未來現在諸佛一切相智，若有謗毀過去未來現在諸佛一切相智，則爲謗毀一切如來應正等覺，若有謗毀一切如來應正等覺，則爲謗毀佛寶法寶苾芻僧寶，若有謗毀佛法僧寶，則當謗毀世間正見，若常謗毀世間正見，則當謗毀布施淨戒，安忍精進靜慮般若波羅蜜多，亦當謗毀內空，乃至無性自性空，亦當謗毀四念住，乃至八聖道支，如是乃至亦當謗毀如來十力，乃至十八不共法，亦當謗毀一切智，道相智，一切相智，彼由謗毀

一切相智，即便攝受無量無數無邊罪業，由彼攝受無量無數無邊罪業，即便攝受一切地獄傍生鬼界，及人趣中無量無數無邊大苦。問參禪，念佛，作觀，持咒，誦經，拜經，等等法門是何方便。答，此乃第二方便，因行者習氣濃厚，妄想雜心，不能自主，故權借一法，以攝意識，久久純熟，亂心歸一，直至能所雙忘，人法兩空，真心獨露，方得究竟，若慧根深厚，頓悟本來，雖習氣未盡，只念起不續，念空不住，般若實相，即時現前。二六時中，正覺常住，不昏不散，如是行者，達萬有如幻故，交人接物，都無所住。云爲動作，皆是妙用，機緣成熟，剎那妙慧相

應，成就無上正等菩提，經云，「初發心時成正覺，不歷僧祇獲法身，」問一心念佛求生西方極樂世界是何方便，答，此乃第三方便，行者於上二門不能領會，須發至誠善心，持佛名號，求生彼土，持至一心不亂，與彌陀願力相應，臨命終時，阿彌陀佛與諸聖衆現在其前，垂手接引，往生彼國，見佛聞法，永不退轉，問西方極樂世界是有是無，答，有是幻有，無是本無，何以故，彌陀願力變化所作故，是云幻有，一真法界，名相了不可得故，是云本無，問極樂世界既是幻有，與娑婆世界無別，生彼云何，答，極樂世界，乃係彌陀果德願力所成，專爲接引衆生而作

，得往生者，即授不退轉記，中下之機，不達性相實理，遇境違順，憎愛更發，隨習造作，業果難消，雖聞知識開示，自安每苦無法，故須發願求生，安神極樂，直至見佛聞法，位登不退，自利圓成，翻歸五濁濟物，問生極樂世界見佛聞何等法，答，聞說「摩訶般若波羅蜜多」法，何以故，諸佛不越此道故，經云，「十方三世一切佛，一切菩薩摩訶薩，摩訶般若波羅蜜，」問歷代祖師大德，多有求生淨土，豈皆中下之機，不悟「摩訶般若波羅蜜多」法乎，答，祖師大德，多係應化聖賢隨緣示跡，以利羣生，蓋智者道悟無生，極樂與娑婆無別，何以故，第一義諦，十方

不二故，無有邊界故，生實無生故，經云，「雖知諸佛國，及與衆生空，而常修淨土，教化於群生，」問云何是禪淨雙修，答，了達諸法本原，以念佛攝定亂心故，假名曰禪，願與彌陀願力相應，發願往生極樂淨土故，假名曰淨，小機者，見有西方此土，苦樂分明，名有取捨，須見佛聞法，方了死生，慧根者，頓悟彌陀化土，不離自心。隨願往生，生即無生，是名禪淨雙修，何以故，解第一義，即有常空故，問云何是唯心淨土，自性彌陀，答，智者了達衆生居處皆是佛土，從初發心，常自清淨身語意業，亦教他清淨身語意業，三業淨故，所居國土亦即清淨，觸目

遇緣，皆是法音，如是修行，願行圓滿，各於所居國土，證得無上正等菩提，所化衆生，亦皆如是，娑婆即是極樂，極樂不異娑婆，是名唯心淨土，自性彌陀，問云何是欲界，云何是色界，云何是無色界，云何是常寂滅界，答，修「摩訶般若波羅蜜多」者不應有如是分別，何以故，諸佛界如，衆生界如，諸法本原，皆同虛空，十方週遍，不可見故，問云何是空無邊處定，云何是識無邊處定，云何是無所有處定，云何是非想非非想處定，答，破除一切色相，而成無色界空識之禪定，名空無邊處定，再破見空之能觀心識亦空，名識無邊處定，再破識空之見亦無所有，名

無所有處定，再破無所有心，此無想無所有想之想亦無，名非想非非想處定，此四種禪定，雖破除疊進，皆是取着名言，不解實義，作意存情，令念不起，而修寂定，心想似無，其實各有所執，有所執故，則寂而不靈，便非正定，定力一失，立墮惡道，縱令不失，亦不見性，何以故，不達色空不異故，不達即有常空故，不知衆生分別即是如來大用故，不能定慧等等寂用自在故，不能不作而作不用而用故，問云何是十信，十住，十行，十迴迴，十地，答，不依邪魔外道名爲信，圓悟妙理名爲住，自他兩利名爲行，不住諸相是迴迴，永不退轉爲登地，因機有利鈍，習

有淺深，昇進不同，故立十級分別，其實法無漸次，智者頓悟，一念齊等，苟悟下悲智雙運，不隨習轉，當體已圓，如是行者，只要正覺常住，隨緣保任，機緣成熟，自然驚天動地，若執設教名相分別，轉成邪外知見，問云何是名，云何是相，答，於諸幻法假立稱謂曰名，相有二種，於諸幻法分別過去未來，現在內外，是非勝劣，粗細遠近，名有色相，於諸幻法取捨造作，生起煩惱，名無色相，問云何善達真如實相，答，了知染淨諸法皆是真如實相，是名善達真如實相，何以故，真如實相即法界，諸法俱不離法界，如是達者，於一切時行一切法，唯爲有情殷涅槃